

PRIJEDLOG

Na osnovu člana 45. i 47. Zakona o predškolskom odgoju i obrazovanju („Službene novine ZDK-a broj: 7/10), člana 9. Odluke o organizovanju Javne ustanove za predškolski odgoj i obrazovanje „Mladost“ Kakanj („Službene novine Općine Kakanj“, broj: 9/14) člana 21. i 60. Pravila Javne ustanove za predškolski odgoj i obrazovanje „Mladost“ Kakanj, broj: 490/14 od 30.9.2014. godine, Upravni odbor Javne ustanove za predškolski odgoj i obrazovanje „Mladost“ Kakanj, na sjednici održanoj dana 19.12.2017. godine donio je

PRAVILNIK

o kriterijima za finansiranje predškolskog odgoja i obrazovanja u Javnoj ustanovi za predškolski odgoj i obrazovanje „Mladost“ Kakanj

Član 1.

Ovim Pravilnikom utvrđuju se kriteriji i način finansiranja usluga predškolskog odgoja i obrazovanja u Javnoj ustanovi za predškolski odgoj i obrazovanje „Mladost“ Kakanj (u daljem tekstu: Ustanova).

Član 2.

Pod uslugama iz člana 1. ovog Pravilnika podrazumijevaju se usluge predškolskog odgoja i obrazovanja, brige o smještaju, ishrani, higijeni i zdravlju djece upisane u Ustanovu, za vrijeme dok djeca borave u Ustanovi i (ili) učestvuju u ostvarivanju programa u skladu sa Zakonom o predškolskom odgoju i obrazovanju Zeničko-dobojskog kantona („Službene novine Zeničko-dobojskog kantona“, broj: 13/94, 7/10 i 8/12).

Pod korisnikom usluga podrazumijeva se roditelj ili staratelj djeteta upisanog u Ustanovu ili druga osoba kojoj je dijete upisano u Ustanovu povjereno na odgoj.

Korisnik usluga Ustanove dužan je za iste platiti utvrđenu cijenu.

Cijena usluga podrazumijeva cijenu koju za usluge iz prethodnog stava ovog člana plaćaju korisnici usluga Ustanove.

Član 3.

Cijena usluga koju u smislu člana 2. ovog Pravilnika plaćaju korisnici usluga proizilazi iz utvrđene ekonomske cijene usluga.

Ekonomska cijena utvrđuje se posebnim aktom.

Poludnevni boravak košta 70% od cijene utvrđene za jasličku i vrtičku grupu.

Član 4.

Učešće korisnika usluga zavisno od visine ukupnih mjesečnih primanja, utvrđuje se prema sljedećim kriterijima:

1. Za djecu bez oba roditelja, 10% od ekonomske cijene,
2. Za djecu čiji su roditelji korisnici prava na stalnu novčanu pomoć shodno članu 21. Zakona o socijalnoj zaštiti ZDK-a, 10% od ekonomske cijene,
3. Za djecu invalidnih osoba sa stepenom invaliditeta preko 80%, 20% ekonomske cijene,
4. Za djecu čiji roditelji imaju ukupna mjesečna primanja do 200,00 KM po članu uže porodice, 30% od ekonomske cijene,
5. Za djecu čiji roditelji imaju ukupna mjesečna primanja u rasponu od 201,00 KM do 300,00 KM po članu uže porodice, 40% ekonomske cijene,

6. Za djecu čiji roditelji imaju ukupna mjesečna primanja u rasponu od 301,00 KM do 400,00 KM po članu uže porodice, 50% ekonomske cijene,
7. Za djecu čiji roditelji imaju ukupna mjesečna primanja od 401,00 KM do 500,00 KM po članu uže porodice, 60% ekonomske cijene,
8. Za djecu čiji roditelji imaju ukupna mjesečna primanja od 501,00 KM do 600,00 KM po članu uže porodice, 70% ekonomske cijene,
9. Za djecu čiji roditelji imaju ukupna mjesečna primanja od 601,00 KM do 700,00 KM po članu uže porodice, 75% ekonomske cijene,
10. Za djecu čiji roditelji imaju ukupna mjesečna primanja od 701,00 KM do 800,00 KM po članu uže porodice, 80% ekonomske cijene,
11. Za djecu čiji roditelji imaju ukupna mjesečna primanja preko 800,00 KM po članu uže porodice, 90% ekonomske cijene.

Pod užim članom porodice, u smislu ovog Pravilnika, podrazumijeva se bračni i vanbračni partner, djeca rođena u braku i vanbračnoj zajednici, usvojlac i usvojenik, staratelj i lice pod starateljstvom, (očuh, mačeha i pastočad).

Visina ukupnih mjesečnih primanja korisnika usluga utvrđuje se na osnovu potvrde poslodavca ili porezne uprave o visini primanja u posljednja tri mjeseca i drugih dokaza.

Korisnik usluga dužan je potvrde i stava 1. ovog člana dostaviti 8 dana prije zaključivanja ugovora sa predškolskom ustanovom.

Ustanova zadržava pravo provjere vjerodostojnosti dostavljenih dokaza.

U slučaju promjene visine primanja, korisnik je dužan odmah, a najkasnije u roku od petnaest dana od nastale promjene obavijestiti Ustanovu o promjeni uz dostavljanje adekvatnih dokaza.

Član 5.

Obrada podataka korisnika vršit će se u skladu sa tehničkim i organizacionim mjerama Plana sigurnosti podataka Javne ustanove za predškolski odgoj i obrazovanje "Mladost" Kakanj.

Ukoliko korisnik usluga nije saglasan da se njegovi podaci o visini primanja obrađuju, plaćat će utvrđenu visinu ekonomske cijene usluga.

Član 6.

Ukoliko korisnik ima uslove za umanjeње cijene po više osnova iz člana 4. ovog Pravilnika, umanjeње može ostvariti po jednom osnovu koji je za korisnika najpovoljniji.

Za djecu čiji roditelji imaju stambeni kredit, cijena vrtića se umanjuje za 10% od ekonomske cijene.

Član 7.

Pravo na olakšice u plaćanju utvrđuju se na temelju sljedeće dokumentacije koju dostavlja korisnik usluga:

- izvod iz matične knjige rođenih za djecu,
- izvodi iz matičnih knjiga za roditelje,
- potvrde ili rješenja o stepenu invaliditeta roditelja,
- potvrda o visini mjesečnih primanja odnosno dokaz o nezaposlenosti,
- potvrda Centra za socijalni rad kojom se dokazuje ostvarivanje prava iz Zakona o socijalnoj zaštiti,

- potvrda banke o postojanju stambenog kreditnog zaduženja,
- drugim relevantnim dokazima nadležnih institucija (rješenja, potvrde i identifikacioni dokumenti).

Član 8.

Međusobna prava i obaveze između korisnika i Ustanove regulisat će se posebnim ugovorom koji će biti zaključen između dvije strane, te ostalim aktima ustanove.

Član 9.

Cijenu usluga specijaliziranih programa, utvrđuje Upravni odbor Ustanove, ovisno o potrebi i interesu djece.

Roditelj–korisnik usluga, plaća punu cijenu usluga za specijalizirane programe koje djeca pohađaju.

Član 10.

Ovaj Pravilnik stupa na snagu danom donošenja, a početak će se primjenjivati od 01.04.2018. godine.

Broj: 806/17

Datum: 19.12.2017.

Predsjednik Upravnog odbora

Mirsada Čaluk

Bosna i Hercegovina – Federacija Bosne i Hercegovine

Zeničko-dobojski kanton - Općina Kakanj

**JAVNA USTANOVA ZA PREDŠKOLSKI ODGOJ I OBRAZOVANJE “MLADOST”
KAKANJ**

72240 Kakanj, ul. Zeničkog partizanskog odreda broj 66.

Identifikacijski broj 4218178560000
Porezni broj 052800140000

Tel. 032/552-120, 032/552-121

Broj: 808-1 /17

I Z V J E Š T A J

o javnoj raspravi o Nacrtu Pravilnika o kriterijima za finansiranje predškolskog odgoja i obrazovanja u JU za predškolski odgoj i obrazovanje „Mladost“ Kakanj

Javna rasprava o Nacrtu Pravilnika o kriterijima za finansiranje predškolskog odgoja i obrazovanja u JU za predškolski odgoj i obrazovanje „Mladost“ Kakanj održana je u trajanju od 15 dana, počev od 01.12.2017. godine do 15.12.2017. godine.

Nosioc aktivnosti provođenja javne rasprave bio je Upravni odbor JU za predškolski odgoj i obrazovanje "Mladost" Kakanj.

Nacrtu Pravilnika o kriterijima za finansiranje predškolskog odgoja i obrazovanja u JU za predškolski odgoj i obrazovanje „Mladost“ Kakanj objavljen je na oglasnim pločama JU za predškolski odgoj i obrazovanje „Mladost“ Kakanj i na web- stranici Općine Kakanj.

U toku javne rasprave pristiglo je šest amandmana na Nacrt Pravilnika o kriterijima za finansiranje predškolskog odgoja i obrazovanja u JU za predškolski odgoj i obrazovanje „Mladost“ Kakanj.

Amandmani su se odnosili na komentarisanje načina na koji su kategorije razvrstane, zatim na smanjenje učešća roditelja zadnje kategorije na 140,00 KM, 160,00 KM i 170,00 KM, te na poboljšanje uslova u kojima djeca borave u vrtiću.

Amandmani koji se ne odnose na materiju koja se uređuje Nacrtom Pravilnika nisu prihvaćeni.

Amandmani koji se odnose na smanjenje cijena usluga zadnje kategorije su neprihvatljivi, jer obuhvataju i problematiziraju samo jednu kategoriju korisnika usluga, što bi se negativno odrazilo na ostale kategorije.

Amandman Vijeća roditelja je po mišljenju Upravnog odbora prihvatljiv, jer bi se njime povećao broj korisnika koji bi plaćali nižu cijenu usluga boravka u odnosu na Nacrt Pravilnika. Time bi mnogo veći broj roditelja bio zadovoljan.

Centralna javna rasprava održana je 14.12.2017. godine u sali JU za predškolski odgoj i obrazovanje "Mladost" Kakanj. Zaključak centralne javne rasprave je da su roditelji podržali prijedlog da maksimalna cijena učešća roditelja iznosi 160,00 KM. O centralnoj javnoj raspravi sačinjen je zapisnik.

Javna rasprava je završena 15.12.2017. godine

Predsjednica Upravnog odbora

Mirsada Čaluk